

Pakschke (sieht nach der Uhr).

Nee, da is's nu schon zu späte, un mer ham je nu eemal de Billeter's.

Erster Gast.

Sm! — Awwer uff'n Rückweg vergessen Se's ja nich! —
Nich wahr?

Chieme.

Nee, Nee! Das hatt' mer uns schon vorgenomm'!

Pakschke.

Se missen nämlich wissen: was wir hier sinn, is nämlich ä Skatklub, wir Biere — das heeßt, eener fehlt noch. —

Chieme.

Na ähmd! Ich meechte weeiß Rnebbchen bloß wissen, wo der Kerl bleibt!

Heilemann (hört für einen Moment zu essen auf).

Donnerstag un Freitag! Der hat je de Kasse! Wenn der jetzt bloß nich käme! Der wärd doch nich etwa uff de Ausstellung sinn un uns ohne Geld sitzen lassen.

Chieme.

Das wär je äne scheene Mengente! Seht ersch, ich hab's je immer gesagt. Wemmer sich uff Bätzold'n verläßt, da is mer verlassen.

Heilemann.

Awwer 'rein gekomm' is er mit! — s' wärd' n doch nisch passiert sinn.

Pakschke.

S, was soll denn dem hier passier'n. — Also, was ich Jhn'n erzählen wollte. Wir Biere spiel'n also jede Woche ä Mal unsern Pfeng-Skat. Was wer gewinn', das gomme in'n Topp, un wenn der Topp voll is, da arrangier' mer ersch ä kleenes Sommerfest for unsre Frau'n un unsre Kinder, un dann mach'n wir Männer ganz solo äne kleene Spritztour.

Erster Gast.

Un da woll'n Se diesmal nach Tirol?

Pakschke.

Ja! — Das hammer alle noch nich geseh'n, un hibbsch soll's je sinn.